

საქართველოს შინაგან საქმეთა სამინისტროს საპატრულო პოლიციის დეპარტამენტი

ფეხბურთის უნიფორმის შესყიდვა
სატენდერო კომისიის სხდომის
ოქმი №1

თბილისი

- 11 - იანვარი 2018 წელი

დღის წესრიგი:

1. სატენდერო პირობებისა და სახელმწიფო შესყიდვის შესახებ ხელშეკრულების პროექტის განხილვა და დამტკიცება.

სატენდერო კომისიისა და კომისიის აპარატის შემადგენლობა:

კომისიის თავმჯდომარე	–	თეიმურაზ კუპატაძე
კომისიის წევრები	–	მიხეილ ამირანაშვილი არჩილ კორინთელი უჩა სხირტლაძე გიორგი სიყმაშვილი ნიკოლოზ რამაზაშვილი სერგო მოდებაძე
კომისიის აპარატის წევრები	–	მიხეილ ტიშჩენკო ლევან ლაზარიძე გიორგი კერესელიძე დავით ზანდარაშვილი ირაკლი წერეთელი უჩა ცუცქერიძე ანა ჩაგელიშვილი გვანცა სისოშვილი ანა ლაგაზიძე

სატენდერო კომისიამ მოისმინა და განიხილა:

სატენდერო კომისიის აპარატის წევრმა გიორგი კერესელიძემ მოახსენა კომისიის წევრებს, რომ შსს საპატრულო პოლიციის დეპარტამენტს სამოყვარულო საფეხბურთო გუნდისთვის 2018 წლის განმავლობაში ესაჭიროება ფეხბურთის უნიფორმის შეძენა, რასთან დაკავშირებითაც გააცნო სამეურნეო უზრუნველყოფის განყოფილების თანამშრომლების მიერ შემუშავებული შესყიდვის ობიექტის ტექნიკური და ოპტიმალური მახასიათებლები.

სატენდერო კომისიამ განიხილა აღნიშნულ შესყიდვასთან დაკავშირებული საკითხები და შესყიდვის ობიექტის თავისებურებებიდან გამომდინარე, განსაზღვრა ის სატენდერო პირობები, რომელსაც უნდა აკმაყოფილებდეს შესყიდვის ობიექტი, პრეტენდენტი და მისი ტექნიკური დოკუმენტაცია, ამასთან, კომისიის წევრებმა განაცხადეს:

- სატენდერო დოკუმენტაციით მოთხოვნილ ტექნიკურ პარამეტრებთან შესაბამისობის დადგენის მიზნით აუცილებელია პრეტენდენტმა მოთხოვნიდან ორი სამუშაო დღის განმავლობაში წარმოადგინოს შემოთავაზებული საქონლის ნიმუშები პოზიციების შესაბამისად.
- პრეტენდენტმა ერთიან ელექტრონულ სისტემაში უნდა ატვირთოს კატალოგის ის გვერდები ან/და მწარმოებლის მიერ გაცემული ისეთი სახის დოკუმენტები, სადაც შემსყიდველის მიერ შესაძლებელი იქნება შემოთავაზებული საქონლის

ტექნიკური მახასიათებლების გადამოწმება მწარმოებელი ფირმისა და არსებობის შემთხვევაში მოდელის შესაბამისად.

- პრეტენდენტის მიერ ერთიან ელექტრონულ სისტემაში ატვირთულ უნდა იქნეს შემოთავაზებული საქონლის მწარმოებლის ავტორიზებული პარტნიორის დამადასტურებელი ოფიციალური დოკუმენტები, ხოლო უცხოენოვანი დოკუმენტების ატვირთვის შემთხვევაში, ასევე ატვირთულ უნდა იქნეს ნოტარიულად დამოწმებული ქართულენოვანი თარგმანები.
- საქონლის მიწოდების ვადად განისაზღვროს ხელშეკრულების გაფორმების დღიდან ათი სამუშაო დღე.
- ფასწარმოქმნის ადეკვატურობის დამადასტურებელ დოკუმენტებად ერთიან ელექტრონულ სისტემაში ატვირთულ უნდა იქნეს მხოლოდ ექსპერტიზის ან/და აუდიტის მიერ გაცემული შესაბამისი დასკვნა რომლითაც უნდა დასტურდებოდეს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობა. დასკვნასთან ერთად წარმოდგენილ უნდა იქნეს დასკვნის გამცემი პირის უფლებამოსილების დამადასტურებელი დოკუმენტების ასლი.

ამის შემდეგ, კომისიის აპარატმა კომისიის წევრების მოსაზრებების გათვალისწინებით შეადგინა სატენდერო პირობები და სახელმწიფო შესყიდვის შესახებ ხელშეკრულების პროექტი, რომელსაც გაეცნენ სატენდერო კომისიის წევრები და მიიღეს გადაწყვეტილება.

სატენდერო კომისიამ დაადგინა:

1. დამტკიცდეს სატენდერო პირობები და სახელმწიფო შესყიდვის შესახებ ხელშეკრულების პროექტი.
2. დაევალოს სატენდერო კომისიის აპარატს, კანონის მოთხოვნების შესაბამისად უზრუნველყოს ერთიან ელექტრონულ სისტემაში აუქციონის გარეშე (NAT) ელექტრონული ტენდერის ჩატარების შესახებ განცხადების გამოქვეყნება, სატენდერო დოკუმენტაციის ელექტრონული შევსება და სახელმწიფო შესყიდვების შესახებ ხელშეკრულების პროექტის განთავსება.
3. სატენდერო კომისიის მიერ დამტკიცებული სატენდერო პირობებისა და სახელმწიფო შესყიდვის შესახებ ხელშეკრულების პროექტის შესაბამისად ფეხბურთის უნიფორმის შესყიდვის მიზნით გამოცხადდეს აუქციონის გარეშე ელექტრონული ტენდერი (NAT).
4. დაევალოს სატენდერო კომისიის აპარატს უზრუნველყოს სატენდერო კომისიის სხდომის ოქმი №1-ისა და სატენდერო კომისიის მიერ დამტკიცებული სატენდერო მასალის ატვირთვა ერთიან ელექტრონულ სისტემაში.

კომისიის თავმჯდომარე:

თეიმურაზ კუპატაძე

კომისიის წევრები:

მიხეილ ამირანაშვილი

არჩილ კორინთელი



უჩა სხირტლაძე



გიორგი სიემაშვილი



ნიკოლოზ რამაზაშვილი



სერგო მოდუბაძე




კომისიის აპარატის წევრები:

მიხეილ ტიშჩენკო




ლევან ლაზარიდი



გიორგი კერესელიძე



დავით ზანდარაშვილი



ირაკლი წერეთელი



უჩა ცუცქორიძე



ანა ჩაგელიშვილი



გვანცა სისოშვილი



ანა ლაგაზიძე



შესყიდვა დასრულებდა ძირითად დროში. დამატებითი რაუნდები არ გაიმართება

შესყიდვის ტიპი	ელექტრონული ტენდერი აუქციონის გარეშე(NAT)
განცხადების ნომერი	N/A
შესყიდვის სტატუსი	 განცხადების პროექტი
შემსყიდველი	 შსს საპატრულო პოლიციის დეპარტამენტი

დაამატე რჩეულებში

შესყიდვის გამოცხადების თარიღი

წინადადებების მიღება იწყება 19.01.2018 00:00

წინადადებების მიღება მთავრდება 22.01.2018 14:00

დაფინანსება 2018 წლის სახსრები

შესყიდვის სავარაუდო ღირებულება 2' 100.00 GEL

წინადადება წარმოდგენილი უნდა იყოს დღგ-ს გათვალისწინებით

კლასიფიკატორის (CPV) კოდი და კლასიფიკატორის დანაყოფი

- 18200000 - გარედან ჩასაცმელი ტანსაცმელი

კლასიფიკატორის (CPV) კოდი და შესყიდვის კონკრეტული ობიექტი

- 18200000 - გარედან ჩასაცმელი ტანსაცმელი

შესყიდვის რაოდენობა ან მოცულობა

მოცემულია სატენდერო დოკუმენტაციაში

მოწოდების ვადა

ხელშეკრულების გაფორმების დღიდან 10 სამუშაო დღის განმავლობაში

შეთავაზების ფასის კლების ბიჯი

8.00 GEL

გარანტიის ოდენობა

21 GEL

გარანტიის მოქმედების ვადა

120 დღე

დამატებითი ინფორმაცია

ფეხბურთის უნიფორმის (შარვლები და შორტები) შესყიდვა

▼ შესყიდვის ობიექტის აღწერასთან დაკავშირებული ინფორმაცია

☐ 1.1 მიუთითეთ შესყიდვის ობიექტის დასახელება

ფეხბურთის უნიფორმა

☐ ☐ 1.2 მიუთითეთ საქონლის/მომსახურების/სამუშაოს აღწერა (ტექნიკური დავალება), შესყიდვის ობიექტის რაოდენობა/მოცულობა

მიღებული ფაილის სახით იხ. ტექნიკური დავალება

 ტექნიკური დავალება.pdf ☐

☐ 1.3 ატვირთეთ ფასების ცხრილი/ხარჯთაღრიცხვა

  ფასების ცხრილი.pdf ☐

☐ 1.4 მიუთითეთ საქონლის მიწოდების/მომსახურების გაწევის/სამუშაოს შესრულების ვადა

ხელშეკრულების გაფორმების დღიდან 10 (ათი) სამუშაო დღის განმავლობაში

☐ 1.5 მიუთითეთ საქონლის მიწოდების/მომსახურების გაწევის/სამუშაოს შესრულების ფორმა და ადგილი

ქ. თბილისი, ქიზიყის ქ. N5 - შსს საპატრულო პოლიციის დეპარტამენტის საწყობი

☐ 1.7 მოითხოვება თუ არა ინფორმაცია საგარანტიო ვადის შესახებ?

არა

▼ ტექნიკური მოთხოვნები

☐ 2.1 მოითხოვება თუ არა ინფორმაცია შესყიდვის ობიექტის წარმოშობი სქეცენის/მწარმოებლისა და მოდელის (არსებობის შემთხვევაში) შესახებ?

კი

☐ ☐ 2.1.1 მიუთითეთ, თუ რა ინფორმაცია მოითხოვება შესყიდვის ობიექტის წარმოშობის ქვეყანასთან/მწარმოებელ კომპანიასთან და მოდელთან (ასეთის არსებობის შემთხვევაში) დაკავშირებით

• 1.3. პუნქტით გათვალისწინებული ფასების ცხრილის მე-4 გრაფაში მითითებულ უნდა იქნეს ინფორმაცია შემოთავაზებული საქონლის წარმოშობის ქვეყნის, მწარმოებელი კომპანიისა და არსებობის შემთხვევაში მოდელის შესახებ.

☐ 2.2 მოითხოვება თუ არა ინფორმაცია პრეტენდენტის გამოცდილების შესახებ?

არა

☐ 2.3 მოითხოვება თუ არა ინფორმაცია პრეტენდენტის მატერიალურ-ტექნიკური ბაზის შესახებ?

არა

☐ 2.4 მოითხოვება თუ არა ინფორმაცია პრეტენდენტის პერსონალის გამოცდილების შესახებ?

არა

☐ 2.5 მოითხოვება თუ არა დეტალური ინფორმაცია საქონლის მიწოდების/მომსახურების გაწევის/სამუშაოს შესრულების ვადების შესახებ (გეგმა-გრაფიკი)?

არა

☐ 2.6 მოითხოვება თუ არა ინფორმაცია პრეტენდენტის ფინანსური შესაძლებლობების შესახებ (გარდა სარეგისტრაციო/უფლებრივი მონაცემებისა)?

არა

☐ 2.7 მოითხოვება თუ არა ინფორმაცია ლიცენზიასთან, აკრედიტაციასთან, სტანდარტებთან, ხარისხის შესაბამისობასთან და სხვ. დოკუმენტებთან დაკავშირებით?

კი

☐ ☐ 2.7.1 მიუთითეთ ლიცენზიასთან, სტანდარტებთან, აკრედიტაციასთან, ხარისხის შესაბამისობასთან და სხვ. დოკუმენტებთან დაკავშირებული მოთხოვნები

პრეტენდენტის მიერ ერთიან ელექტრონულ სისტემაში ატვირთულ უნდა იქნეს შემოთავაზებული საქონლის მწარმოებლის ავტორიზებული პარტნიორის დამადასტურებელი ოფიციალური დოკუმენტ(ებ)ი (უცხოენოვანი დოკუმენტების ატვირთვის შემთხვევაში, ასევე ატვირთულ უნდა იქნეს ნოტარიულად დამოწმებული ქართულენოვანი თარგმანები).

☐ 2.8 მოითხოვება თუ არა ინფორმაცია ქვეკონტრაქტორის შესახებ?

არა

☐ ☐ 2.9 სხვა დამატებითი მოთხოვნები (ველის შევსება არ არის საავალდებულო)

• პრეტენდენტმა ერთიან ელექტრონულ სისტემაში უნდა ატვირთოს კატალოგის ის გვერდები ან/და მწარმოებლის მიერ გაცემული ისეთი სახის დოკუმენტები, სადაც შემსყიდველის მიერ შესაძლებელი იქნება შემოთავაზებული საქონლის ტექნიკური მახასიათებლების გადამოწმება მწარმოებელი ფირმისა და არსებობის შემთხვევაში მოდელის შესაბამისად.

იხ. მიბმული ფაილი.

 დამატებითი მოთხოვნები.pdf ☐

 ნიმუში ან/და ექსპერტიზის დასკვნა

☐ 3.1 მოითხოვება თუ არა ნიმუშის ან/და ნიმუშის ექსპერტიზის დასკვნის წარმოდგენა?

კი

☐ 3.1.1 მიუთითეთ ნიმუშთან ან/და ექსპერტიზის დასკვნასთან დაკავშირებული მოთხოვნები

-პრეტენდენტის მიერ წარმოდგენილ უნდა იქნეს შემოთავაზებული საქონლის ნიმუშები პოზიციების შესაბამისად.

- შემოთავაზებული საქონლის ნიმუში უნდა შეესაბამებოდეს ერთიან ელექტრონულ სისტემაში ელექტრონულად შევსებული სატენდერო დოკუმენტაციის ველებში ასახულ მოთხოვნებსა და პრეტენდენტის მიერ ერთიან ელექტრონულ სისტემაში ატვირთულ ფასების ცხრილში განსაზღვრულ მოთხოვნებს.

- შემოთავაზებული საქონლის ნიმუშები დაზუსტებას არ ექვემდებარება.

☐ 3.1.2 მიუთითეთ ნიმუშის ან/და ექსპერტიზის დასკვნის წარმოდგენის ვადა

მოთხოვნიდან არაუმეტეს 2 სამუშაო დღის ვადაში

☐ 3.1.3 მიუთითეთ ნიმუშის ან/და ექსპერტიზის დასკვნის წარმოდგენის ადგილი

თბილისი, ნოე რამიშვილის ქ. N38, შსს საპატრულო პოლიციის დეპარტამენტის ადმინისტრაციული შენობა.

▼ **ფასწარმოქმნის ადეკვატურობის დამადასტურებელი დოკუმენტ(ებ)ი**

☐ 4.1 მოითხოვება თუ არა სავარაუდო ღირებულებასთან შედარებით საბოლოო ფასის 20%-ით ან მეტი კლების შემთხვევაში ფასწარმოქმნის ადეკვატურობა?

კი

☐ 4.1.1 მიუთითეთ, კონკრეტულად თუ რა დოკუმენტ(ებ)ით უნდა დაასაბუთოს პრეტენდენტმა ფასწარმოქმნის ადეკვატურობა

ფასწარმოქმნის ადეკვატურობის დამადასტურებელ დოკუმენტ(ებ)ად ერთიან ელექტრონულ სისტემაში ატვირთულ უნდა იქნეს მხოლოდ ექსპერტიზის ან/და აუდიტის მიერ გაცემული შესაბამისი დასკვნა, რომლითაც უნდა დასტურდებოდეს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობა. დასკვნასთან ერთად წარმოდგენილ უნდა იქნეს დასკვნის გამცემი პირის უფლებამოსილების დამადასტურებელი დოკუმენტ(ებ)ის ასლი.

☐ 4.1.2 მიუთითეთ ფასწარმოქმნის ადეკვატურობის დამადასტურებელი დოკუმენტ(ებ)ის წარმოდგენის ვადა

მოთხოვნიდან არაუმეტეს 2 სამუშაო დღის ვადაში

▼ **სარეგისტრაციო/უფლებრივი მონაცემების ამსახველი დოკუმენტ(ებ)ი**

☐ 5.1 მოითხოვება თუ არა პრეტენდენტის სარეგისტრაციო/უფლებრივი მონაცემების ამსახველი დოკუმენტ(ებ)ი?

არა

▼ **ხელშეკრულების შესრულების უზრუნველყოფის გარანტია**

☐ 6.5 მოითხოვება თუ არა ხელშეკრულების შესრულების უზრუნველყოფის გარანტია?

არა

▼ **ანგარიშსწორების პირობები**

☐ 7.1 გამოიყენება თუ არა წინასწარი ანგარიშსწორება?

არა

☐ 7.2 მიუთითეთ ეტაპობრივი ან/და საბოლოო ანგარიშსწორების განხორციელების პირობები

- ანგარიშსწორება განხორციელდება ეტაპობრივად ან მთლიანად ფაქტობრივად მოწოდებული შესყიდვის ობიექტის მიხედვით.

- ანგარიშსწორების ვალუტა - ლარი.

- გადახდის ფორმა იქნება უნაღდო, გადარიცხვა მოხდება მიმწოდებლის საბანკო ანგარიშზე.

☐ 7.3 მიუთითეთ ეტაპობრივი ან/და საბოლოო ანგარიშსწორების განხორციელების ვადები (სახელმწიფო შესყიდვების სააგენტოს რეკომენდაციაა ხელშეკრულების შესრულების დამადასტურებელი დოკუმენტის გაფორმებიდან არაუგვიანეს 10 სამუშაო დღე)

ანგარიშსწორება განხორციელდება ეტაპობრივად ან მთლიანად ფაქტობრივად მიწოდებული საქონლის მიხედვით, შესაბამისი „მიღება-ჩაბარების“ აქტ(ებ)ის გაფორმებისა და საქართველოს კანონმდებლობით დადგენილი შესაბამისი დოკუმენტების წარმოდგენიდან 30 (ოცდაათი) საბანკო დღის განმავლობაში.

▼ ხელშეკრულების პროექტი

☐ 8.1 ატვირთეთ ხელშეკრულების პროექტი

 ხელშეკრულების პროექტი.pdf ☐

▼ საკონტაქტო პირის შესახებ ინფორმაცია

☐ 9.1 მიუთითეთ სატენდერო კომისიის აპარატის საკონტაქტო წევრის ვინაობა და მონაცემები

გიორგი კერესელიძე, 577775464, giorgi_kereselidze@mia.gov.ge

▼ დამატებითი ინფორმაცია/დოკუმენტები

☐ ☐ 10.1 დამატებითი ინფორმაცია/დოკუმენტები (ველის შევსება არ არის სავალდებულო)

დამატებითი ინფორმაცია:

• ერთიან ელექტრონულ სისტემაში ელექტრონულად შევსებული სატენდერო დოკუმენტაციის ველებში მოცემული პირობების შესახებ დამატებითი ინფორმაციისა და განმარტებების მოთხოვნა შესაძლებელია სისტემის შესაბამისი მოდულის მეშვეობით ან/და სატენდერო კომისიის აპარატის იმ წევრისგან, რომლის საკონტაქტო ინფორმაციაც მითითებულია სატენდერო დოკუმენტაციის 9.1 პუნქტის ველში;

• შემსყიდველ ორგანიზაციასა და პრეტენდენტს/მიმწოდებელს შორის ნებისმიერი მიმოწერა მიმდინარეობს სისტემის შესაბამისი მოდულის მეშვეობით და სისტემის გამოყენების გარეშე მიმოწერა სავალდებულო არ არის. შეტყობინება ოფიციალურად მიღებულად ჩაითვლება მისი სისტემაში ატვირთვის მომენტიდან;

• ელექტრონულად შევსებული სატენდერო დოკუმენტაციის პირობების ველებსა და ატვირთულ დოკუმენტებს შორის წინააღმდეგობის არსებობის შემთხვევაში უპირატესობა ენიჭება სატენდერო დოკუმენტაციის ველებს.

▼ სატენდერო პირობების დამტკიცების შესახებ სატენდერო კომისიის სხდომის ოქმი



11.1 ატვირთეთ სატენდერო პირობების დამტკიცების შესახებ სატენდერო კომისიის სხდომის ოქმი

ტექნიკური დავალება

№	შესყიდვის ობიექტი	ტექნიკური მახასიათებლები	განზ. ერთ	რ-ბა	ზომები
1	2	3	4	5	6
1	სათამაშო შორტი	ფერი ლურჯი, სათავე დარეზინებული და ზონარ გაყრილი, შემადგენლობა - 100% პოლიესტერი. შექმნილი უნდა იყოს DRY MX ტექნოლოგიით. (დასაშვებია ზედ განთავსებული იყოს ბრენდის (მწარმოებლის) აღმნიშვნელი ლოგო ან/და წარწერა) (ბრენდირებული)	ცალი	22	S-2 M-13 L-5 XL-2
2	სპორტული შარვალი	ფერი მუქი ლურჯი, სწორად გაშვებული სპორტული შარვალი, გვერდზე ჯიბეებით და სათავე ზონარგაყრილი. შემადგენლობა : 65% +/-5% პოლიესტერი, 35%+/-5% ბამბა. (დასაშვებია ზედ განთავსებული იყოს ბრენდის (მწარმოებლის) აღმნიშვნელი ლოგო ან/და წარწერა)	ცალი	14	M-10 L-2 XL-2
3	მეკარის შარვალი	ფერი შავი, მუხლზე დამცავით. შარვალი არ უნდა ზღუდავდეს მოძრაობის საშუალებას. წელზე ელასტიური ჩადგმით. შემადგენლობა - 100% პოლიესტერი.(დასაშვებია ზედ განთავსებული იყოს ბრენდის (მწარმოებლის) აღმნიშვნელი ლოგო ან/და წარწერა)	ცალი	2	L-2

ფასების ცხრილი
დანართი №1

№	შესყიდვის ობიექტი	ტექნიკური მახასიათებლები	წარმოშობის ქვეყანა	განზ. ერთ	რ-ბა	ზომები	ერთ. ფასი	საერთო ფასი	მიწოდების ვადა	მიწოდების ადგილი
1	2	3	4	5	6	7	8	9	10	11
1	სათამაშო შორტი			ცალი	22	S-2 M-13 L-5 XL-2			ხელშეკრულების გაფორმების დღიდან 10 (ათი) სამუშაო დღის განმავლობაში	ქ. თბილისი, ქიზიყის ქ. #5 - შსს საპატრულო პოლიციის დეპარტამენტ ის საწყობი,
2	სპორტული შარვალი			ცალი	14	M-10 L-2 XL-2				
3	მეკარის შარვალი			ცალი	2	L-2				

შენიშვნა:

- მე-3, მე-4, მე-8 და მე-9 გრაფები ივსება პრეტენდენტის მიერ;
- მე-3 გრაფაში მითითებულ უნდა იქნეს შემოთავაზებული საქონლის დეტალურად გაშიფრული ტექნიკური მახასიათებლები;
- მე-4 გრაფაში პრეტენდენტის მიერ მითითებულ უნდა იქნეს ინფორმაცია შემოთავაზებული საქონლის წარმოშობის ქვეყნის, მწარმოებელი კომპანიისა და არსებობის შემთხვევაში მოდელის შესახებ.

აუცილებელი პირობა:

- შემსყიდველის მოთხოვნის შემთხვევაში შესაძლებელი უნდა იყოს ზომებში ლავირება.
- გამარჯვებულმა პრეტენდენტმა ხელშეკრულების გაფორმების შემდეგ შემსყიდველის მოთხოვნის შესაბამისად, მოთხოვნიდან 3 (სამი) სამუშაო დღის განმავლობაში უნდა უზრუნველყოს 1-ლი, და მე-3 პოზიციებით შემოთავაზებული საქონლის ბრენდირება საპატრულო პოლიციის ლოგოტიპით და წარწერით;

პრეტენდენტის ხელმოწერა _____

/ /

დამატებითი მოთხოვნები

1. შემოთავაზებული საქონლის ფასი უნდა შეიცავდეს მიმწოდებლის ყველა ხარჯს, მათ შორის ტრანსპორტირების ხარჯსა და საქართველოს კანონმდებლობით დადგენილ ყველა გადასახადს.
2. შემოთავაზებული საქონლის საერთო და ერთეულის ფასების წარმოდგენა დასაშვებია მხოლოდ ლარში.
3. თუ ელექტრონული ვაჭრობის შედეგად ერთიან ელექტრონულ სისტემაში დაფიქსირებული საბოლოო ფასიდან გამომდინარე ერთეულის ღირებულებები დაჯდება მრავალნიშნა ათწილადი, პრეტენდენტი ვალდებულია გამარჯვების შემთხვევაში ხელშეკრულების გაფორმების მომენტისთვის ერთეულის ღირებულება შეამციროს და დაამრგვალოს მეასედებამდე, შესაბამისად შეამციროს საერთო ღირებულებაც;
4. პრეტენდენტის მიერ შემოთავაზებული საქონლის კონკრეტული დასახელება, საქონლის ტექნიკური მახასიათებლები, წარმოშობის ქვეყანა, ერთეულის ფასი და საერთო ფასი, ასევე ინფორმაცია შემოთავაზებული საქონლის მიწოდების ვადისა და პირობების შესახებ მითითებულ უნდა იქნეს სატენდერო პირობების 1.3 პუნქტით გათვალისწინებულ დანართ №1-ში ამავე დანართით გათვალისწინებული პირობების შესაბამისად (დანართი №1 ატვირთულ უნდა იქნეს ერთიან ელექტრონულ სისტემაში);
5. პრეტენდენტის მიერ ერთიან ელექტრონულ სისტემაში ატვირთულ უნდა იქნეს შემოთავაზებული საქონლის მწარმოებლის ავტორიზებული პარტნიორის დამადასტურებელი ოფიციალური დოკუმენტ(ებ)ი (უცხოენოვანი დოკუმენტების ატვირთვის შემთხვევაში, ასევე ატვირთულ უნდა იქნეს ნოტარიულად დამოწმებული ქართულენოვანი თარგმანები).
6. პრეტენდენტმა ერთიან ელექტრონულ სისტემაში უნდა ატვირთოს კატალოგის ის გვერდები ან/და მწარმოებლის მიერ გაცემული ისეთი სახის დოკუმენტები, სადაც შემსყიდველის მიერ შესაძლებელი იქნება შემოთავაზებული საქონლის ტექნიკური მახასიათებლების გადამოწმება მწარმოებელი ფირმისა და არსებობის შემთხვევაში მოდელის შესაბამისად.
7. პრეტენდენტმა მოთხოვნიდან 2 (ორი) სამუშაო დღის განმავლობაში უნდა წარმოადგინოს შემოთავაზებული საქონლის ნიმუშები პოზიციების შესაბამისად შემდეგ მისამართზე: თბილისი, ნოე რამიშვილის ქ. #38;
8. პრეტენდენტის მიერ ერთიან ელექტრონულ სისტემაში ატვირთულ უნდა იქნეს ინფორმაცია ორგანიზაციის რეკვიზიტების შესახებ, გარდა ისეთი სახის ინფორმაციისა, რომელიც ასახულია სისტემაში არსებული მომწოდებლის პროფილში. მიმწოდებლის რეკვიზიტები უნდა შეიცავდეს შემდეგ ინფორმაციას:
 - 8.1. პრეტენდენტის დასახელება;
 - 8.2. საიდენტიფიკაციო კოდი;
 - 8.3. ფაქტობრივი და იურიდიული მისამართი;
 - 8.4. საკონტაქტო ტელეფონის ნომერი;
 - 8.5. ელექტრონული ფოსტა;
 - 8.6. ხელმძღვანელის სახელი და გვარი.
 - 8.7. პრეტენდენტის მომსახურე ბანკის მიერ ბეჭდით დამოწმებული საბანკო რეკვიზიტები;
9. შემსყიდველის მიერ მოთხოვნილი ყველა დოკუმენტი ან/და ინფორმაცია პრეტენდენტის მიერ ატვირთულ უნდა იქნეს ერთიან ელექტრონულ სისტემაში;
10. პრეტენდენტის მიერ ერთიან ელექტრონულ სისტემაში ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული უნდა იყოს ხელმძღვანელის ან უფლებამოსილი პირის მიერ (უფლებამოსილი პირის შემთხვევაში ერთიან ელექტრონულ სისტემაში ატვირთულ უნდა იქნეს ნოტარიულად დამტკიცებული უფლებამოსილების დამადასტურებელი შესაბამისი დოკუმენტ(ებ)ი);
11. შემსყიდველის მოთხოვნის შემთხვევაში, მოთხოვნის შესაბამისად პრეტენდენტმა უნდა წარმოადგინოს იმ მოთხოვნილი დოკუმენტების დედანი ან/და ნოტარიულად დამოწმებული ასლ(ებ)ი, რომელიც იყო ატვირთული ერთიან ელექტრონულ სისტემაში;

12. ტექნიკური დოკუმენტაციის შედგენისას პრეტენდენტის მიერ გათვალისწინებული უნდა იყოს სატენდერო დოკუმენტაციით განსაზღვრული დანართების ფორმები და არსებობის შემთხვევაში მათში მითითებული აუცილებელი პირობები;
13. პრეტენდენტს არ აქვს უფლება წარმოადგინოს ალტერნატიული წინადადება;

სახელმწიფო შესყიდვების შესახებ ხელშეკრულების პროექტი

თბილისი

_____ წელი

წინამდებარე ხელშეკრულება გაფორმებულია NAT _____ აუქციონის გარეშე ელექტრონული ტენდერის საფუძველზე.

1. ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. „ხელშეკრულება სახელმწიფო შესყიდვის შესახებ“ (შემდგომ - „ხელშეკრულება“) - „სახელმწიფო შესყიდვების შესახებ“ საქართველოს კანონისა და „ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანების საფუძველზე შემსყიდველ ორგანიზაციასა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით, ასევე, მთელი დოკუმენტაციით, რომელზეც ხელშეკრულებაში არის მინიშნებები.
- 1.2. „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;
- 1.3. „მიმწოდებელი“ ნიშნავს იურიდიულ ან ფიზიკურ პირს, რომელმაც შემსყიდველთან გააფორმა ხელშეკრულება სახელმწიფო შესყიდვის შესახებ;
- 1.4. „ხელშეკრულების ღირებულება“/„ხელშეკრულების ფასი“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.5. „დღე“, „კვირა“, „თვე“ ნიშნავს კალენდარულ დღეს, კვირას, თვეს, თუ ხელშეკრულებით სხვა პირობა არ არის გათვალისწინებული.

2. ხელშეკრულების შემადგენელი დოკუმენტები:

- 2.1. ფასების ცხრილი (დანართ N1);

3. ხელშეკრულების დამდები მხარეები:

შემსყიდველი: შსს საპატრულო პოლიციის დეპარტამენტი (ს/კ 205041177), საფინანსო სამეურნეო უზრუნველყოფის სამმართველოს უფროსის მიხეილ ამირანაშვილის სახით.

მისამართი: თბილისი, ნოე რამიშვილის ქ. №38. ტელ: 241 87 13;

საბანკო რეკვიზიტები: ა/ა №GE24NB0330100200165022 „საქართველოს სახ. ხაზინა“, კოდი TRESGE22.

მიმწოდებელი: _____

მისამართი: _____

საბანკო რეკვიზიტები: _____

4. ხელშეკრულების საგანი

4.1. ხელშეკრულების საგანს წარმოადგენს:

ფეხბურთის უნიფორმა (CPV 18200000)

(საქონლის მოკლე აღწერა)

- 4.2. საქონლის კონკრეტული დასახელება, ტექნიკური მახასიათებლები, წარმოშობის ქვეყანა და რაოდენობა მოცემულია დანართ №1-ში.
- 4.3. 4.1 პუნქტით გათვალისწინებული საქონელი უნდა აკმაყოფილებდეს ერთიან ელექტრონულ სისტემაში ელექტრონულად შევსებული სატენდერო დოკუმენტაციის ველებში მოცემულ პირობებსა და ხელშეკრულების პირობებს, ამასთან შესაბამისობაში უნდა იყოს ტექნიკურ დავალებასა და ფასების ცხრილში (დანართი №1) მოყვანილ ტექნიკურ მახასიათებლებთან.
- 4.4. მიმწოდებელი ვალდებულია მიაწოდოს „შემსყიდველს“ ხელშეკრულების 4.1. პუნქტით გათვალისწინებული საქონელი ერთიან ელექტრონულ სისტემაში ელექტრონულად შევსებული სატენდერო დოკუმენტაციის ველებში მოცემული პირობებისა და ხელშეკრულების პირობების, ასევე ფასების ცხრილით განსაზღვრული პირობების შესაბამისად.

5. ხელშეკრულების ფასი

5.1. ხელშეკრულების ფასი შეადგენს:

(თანხა ციფრებით და სიტყვიერად)

- 5.2. მოსაწოდებელი საქონლის ერთეულის ფასი და საერთო ფასი მოყვანილია დანართ №1-ში.
- 5.3. საქონლის ერთეულის ფასი და ხელშეკრულების ფასი შეიცავს მიმწოდებლის ყველა ხარჯს, მათ შორის ტრანსპორტირებისა და საქართველოს კანონმდებლობით დადგენილ ყველა გადასახადს, დაკავშირებულს საქონლის მიწოდებასთან და „შემსყიდველის“ საკუთრებაში გადაცემასთან დანართ №1-ში მითითებულ მისამართზე.
- 5.4. „შემსყიდველი“ იღებს ვალდებულებას აუნაზღაუროს „მომწოდებელს“ ხელშეკრულების ფასი ხელშეკრულებით განსაზღვრულ ვადებში და ფორმით.
- 5.5. ფასების შეცვლა შესაძლებელია მხოლოდ მხარეთა წერილობითი შეთანხმების საფუძველზე საქართველოს კანონმდებლობით გათვალისწინებულ შემთხვევებში, მათ შორის საქართველოს სამოქალაქო კოდექსის 398-ე მუხლით გათვალისწინებულ შემთხვევებში.
- 5.6. ხელშეკრულებაში დაფიქსირებული ღირებულების გაზრდის შემთხვევაში მისმა ოდენობამ არ უნდა გადააჭარბოს ხელშეკრულების ღირებულების 10%-ს.

6. ხარისხი

- 6.1. „მიმწოდებელი“ იძლევა გარანტიას, რომ მის მიერ მიწოდებული საქონელი არ იქნება ექსპლუატაციაში ნამყოფი, იქნება ქარხნული წარმოების, არ იქნება დაზიანებული, არ გამოავლენს ხარვეზებს და იქნება მოხმარებისთვის ვარგისი, ამასთან, სრულ შესაბამისობაში მოვა 4.3 პუნქტით გათვალისწინებულ მოთხოვნებთან და აღნიშნულ შესყიდვასთან დაკავშირებით მიმწოდებლის მიერ პოზიციების შესაბამისად წარმოდგენილ ნიმუშებთან. წინააღმდეგ შემთხვევაში იგი ვალდებულია საკუთარი სახსრებით თავად უზრუნველყოს აღმოჩენილი დაზიანებული, უვარგისი ან/და წუნდებული საქონლის შეცვლა შეტყობინების მიღებიდან 3 (სამი) სამუშაო დღის ვადაში.

7. მიწოდების წესი

- 7.1. საქონლის მიწოდებას უზრუნველყოფს „მიმწოდებელი“ საკუთარი ხარჯებით, ხელშეკრულების გაფორმების შემდეგ დანართ №1-ში მითითებული ვადისა და პირობების შესაბამისად.
- 7.2. მიმწოდებელი ვალდებულია ხელშეკრულების გაფორმების შემდეგ შემსყიდველის მოთხოვნის შესაბამისად, მოთხოვნიდან 3 (სამი) სამუშაო დღის განმავლობაში უნდა უზრუნველყოს ფასების ცხრილის (დანართი #1) 1-ლი, და მე-3 პოზიციებით შემოთავაზებული საქონლის ბრენდირება საპატრულო პოლიციის ლოგოტიპით და წარწერით;
- 7.3. „მიმწოდებელი“ ვალდებულია საქონლის მიწოდებისას უზრუნველყოს საქართველოს კანონმდებლობით გათვალისწინებული თანმხლები დოკუმენტაციის სრულად წარმოდგენა.
- 7.4. „მიმწოდებლის“ მიერ სახელმწიფო შესყიდვების შესახებ ხელშეკრულებისა და მასში შემავალი დოკუმენტების პირობების შესრულებაზე, ასევე შესყიდვის ობიექტის ხარისხზე „შემსყიდველის“ მხრიდან კონტროლს განახორციელებს შსს საპატრულო პოლიციის დეპარტამენტის საფინანსო-სამეურნეო უზრუნველყოფის სამმართველოს სამეურნეო უზრუნველყოფის განყოფილება.
- 7.5. „შემსყიდველი“ უფლებამოსილია განაცხადოს უარი დაგვიანებით მიწოდებული, ან უხარისხო (წუნდებული), ან არასრული თანმხლები დოკუმენტაციის მქონე საქონლის პარტიის მიღებაზე.
- 7.6. საქონლის გადაცემა დასტურდება ორივე მხარის მიერ მიღება-ჩაბარების აქტზე ხელის მოწერით.
- 7.7. „მიმწოდებელი“ ვალდებულია გადასცეს „შემსყიდველს“ უფლებრივად და ნივთობრივად უნაკლო საქონელი.

8. ანგარიშსწორების წესი

- 8.1. ანგარიშსწორება განხორციელდება ეტაპობრივად ან მთლიანად საქონლის მიწოდების შემდეგ, შესაბამისი „მიღება-ჩაბარების“ აქტ(ებ)ის გაფორმებისა და საქართველოს კანონმდებლობით დადაგენილი შესაბამისი დოკუმენტების წარმოდგენიდან 30 (ოცდაათი) საბანკო დღის განმავლობაში.
- 8.2. ანგარიშსწორების ვალუტა - ლარი.
- 8.3. გადახდის ფორმა იქნება უნაღდო, გადარიცხვა მოხდება „მიმწოდებლის“ საბანკო ანგარიშზე.
- 8.4. 8.1 პუნქტის შესრულებისათვის წარმოდგენილი დოკუმენტაციის სისრულეზე და რეალობაზე პასუხისმგებელია 7.3. პუნქტში მითითებული განყოფილება.

9. მხარეთა პასუხისმგებლობა

- 9.1. შემსყიდველი უფლებამოსილია ამ ხელშეკრულების 7.1 პუნქტით გათვალისწინებული ვადის გადაცილების შემთხვევაში დააკისროს მიმწოდებელს პირგასამტეხლო ყოველ ვადაგადაცილებულ დღეზე ხელშეკრულების საერთო ღირებულების 1%-ის ოდენობით.
- 9.2. „შემსყიდველი“ უფლებამოსილია ამ ხელშეკრულების 6.1 პუნქტით გათვალისწინებული ვადის გადაცილების შემთხვევაში ყოველ კონკრეტულ ფაქტზე დააკისროს მიმწოდებელს პირგასამტეხლო ყოველ ვადაგადაცილებულ დღეზე ხელშეკრულების საერთო ღირებულების 1 %-ის ოდენობით.

- 9.3. „შემსყიდველი“ უფლებამოსილია ამ ხელშეკრულების 7.2 პუნქტით გათვალისწინებული ვადის გადაცილების შემთხვევაში დააკისროს მიმწოდებელს პირგასამტეხლო ყოველ ვადაგადაცილებულ დღეზე ხელშეკრულების საერთო ღირებულების 1 %-ის ოდენობით.
- 9.4. „მიმწოდებლის“ მხრიდან ხელშეკრულებით ნაკისრი ვალდებულებების სრულად შეუსრულებლობის შემთხვევაში „შემსყიდველი“ უფლებამოსილია დააკისროს მიმწოდებელს ჯარიმა ხელშეკრულების საერთო ღირებულების 5%-ის ოდენობით.
- 9.5. იმ შემთხვევაში თუ 7.1. ან/და 6.1. პუნქტებით გათვალისწინებული ვადების გადაცდენისთვის დაკისრებული პირგასამტეხლოს ჯამური თანხა გადააჭარბებს ხელშეკრულების საერთო ღირებულების 30%-ს შემსყიდველ ორგანიზაციას უფლება აქვს ცალმხრივად შეწყვიტოს ხელშეკრულება.

10. ფორს-მაჟორი

- 10.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას და არსებობის შემთხვევაში – ხელშეკრულების შესრულების უზრუნველყოფის გარანტიის დაუბრუნებლობას.
- 10.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული „შემსყიდველის“ ან/და „მიმწოდებლის“ შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით და სხვა.
- 10.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისდა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.
- 10.4. ფორს-მაჟორული პირობების გათვალისწინება რეგულირდება მოქმედი კანონმდებლობის შესაბამისად.

11. სხვა პირობები

- 11.1. ეს ხელშეკრულება ძალაში შედის მხარეთა უფლებამოსილი წარმომადგენლების მხრიდან ხელმოწერის დღიდან და მოქმედებს 2018 წლის 31 დეკემბრის ჩათვლით.
- 11.2. მხარეთა შორის სადავო საკითხები წყდება მხარეთა მოლაპარაკებების გზით. 30 დღის განმავლობაში შეთანხმების მიუღწევლობის შემთხვევაში საკითხს განიხილავს სასამართლო.
- 11.3. ხელშეკრულებაში დამატებების ან/და ცვლილებების შეტანა შესაძლებელია მხოლოდ წერილობითი ფორმით მხარეთა უფლებამოსილი წარმომადგენლების ხელმოწერით.
- 11.4. ორივე მხარე უფლებამოსილია მოშალოს ეს ხელშეკრულება ცალმხრივად, თუ მეორე მხარე ვერ უზრუნველყოფს თავის ვალდებულებების ჯეროვან შესრულებას ან მოქმედი კანონმდებლობით გათვალისწინებულ სხვა შემთხვევაში, რაზედაც მხარემ უნდა აცნობოს მეორე მხარეს 10 დღით ადრე.

- 11.5. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.
- 11.6. ხელშეკრულების შეწყვეტა პირობების დარღვევის გამო არ ათავისუფლებს „მიმწოდებელს“ ხელშეკრულების შეუსრულებლობისთვის გათვალისწინებული პასუხისმგებლობისაგან.
- 11.7. ეს ხელშეკრულება დადებულია ერთიან ელექტრონულ სისტემაში ელექტრონულად შევსებული სატენდერო დოკუმენტაციის ველებში მოცემული პირობებისა და გამარჯვებული პრეტენდენტის (ამ ხელშეკრულებით – მიმწოდებლის) ტექნიკური დოკუმენტაციით განსაზღვრული პირობების საფუძველზე.

მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.

შემსყიდველის მხრიდან:

მიმწოდებლის მხრიდან:
